

晚

晴

移

詩

匯

晚晴移詩匯卷一百五十八目錄

曾國荃二首

楊岳斌六首

楊昌濬一首

魏光燾一首

劉蓉三首

劉銘傳五首

張曜二首

張聯桂三首

吳坤修五首

長善六首

魁玉二首

李桓三首

唐樹森一首

金安清二首

崇祐二首

斌椿二首

宗韶五首

李江一首

徐志源二首

王慶勳七首

文漢光二首

姚慶恩九首

文星瑞 七首

耿蒼齡 二首

羅萱 二首

孫文川 七首

張恩準 四首

鄧繹 三首

胡恩燮 一首

于卿保 一首

徐同善 二首

劉藻 二首

王濟 二首

張應庚 二首

陳嗣良 二首

王彬 二首

邢世銘 二首

汪榮棠 四首

黃仲畬 二首

李希鄴 一首

胡傳釗 二首

言南金 二首

劉本傑 一首

蔣春霖 八首

楊白元 一首

歐景辰 二首

張九思三首

周葆濂三首

向文奎二首

徐崇文一首

徐光發三首

陳蔚昌一首

金居敬三首

朱寶善二首

金東二首

彭湘一首

沈金藻二首

晚晴移詩匯卷一百五十八

徐世昌

曾國荃字沅浦湘鄉人咸豐壬子優貢官至兩江總督
加太子太保封一等威毅伯諡忠襄有曾忠襄公遺

集

詩話文正既出治軍羣從參佐忠襄以吳軍當一面
行第九軍中稱九帥既克安慶遂力復江甯兄弟侯
伯一時稱極盛後撫山右治賑有惠於民晚鎮三江
承文正遺緒朝野倚以爲重遺集百餘卷詩僅數篇
未能如文正在
軍不廢吟詠也

題管敬伯讀雪山房圖

懸車方息影竭來游洛下俊才接翩翹故交蓋云寡管君
繩祖武無忝名世者哲弟陸士龍契我同一治芝蘭堪競
爽相期邁高雅踔躐文翰塲嗜古搜片瓦每蓄匡時略馳

驅逐戎馬披覽讀雪圖韻事尤揮灑述舊潘安仁尋幽孟
東野夙哦韞山集元音鳴九夏遺宅贍京華往跡留騷社
畫冊毀兵燹根觸談鐙炮遷流數十年硬黃幸重寫深雲
翳樹根清湍激春瀉蘧廬念民物抗懷追董賈蘊真愜所
遇自得何外假敲詩剪銀燭看劍引瓊竿狂瀾際砥平共
祝承大嘏

自鄂還湘次韻答申夫方伯

未步金鑾上諫坡曾看哭楚起沈疴言歸此日江之永但
願來年海不波魚美武昌春意薄雁回衡岳別情多棗梨
薑芥誰相贈且向漣溪問釣蓑

楊岳斌原名載福字厚庵善化籍乾州人官至陝甘總
督太子少保銜一等輕車都尉世職贈太子太保諡

勇慤有楊勇慤公遺集

登嶽麓和焦聽堂原韻

偶從樵訪道鄉臺千樹桃花萬點苔幽徑已無塵客到深山惟有白雲來松間聯句僧煎茗石上陳肴鳥勸杯醉裏不須嗟世亂座中都是濟時才

偕彭雪琴洞庭泛月

良宵同泛浩無邊八百平湖浪接天蘭漿劃開湘浦月蒲帆衝破楚江煙枕戈南望心彌壯擊楫中流志更堅迅掃妖氛清海寓征袍拋卻好歸田

除夕

馳驅成底事望望白雲飛今夕年將盡他鄉客未歸苦寒侵病榻積雪鎖柴扉把酒不成醉停杯淚溼衣

楓橋夜泊

日暮微風起菰蒲葉有聲晚煙橫古渡皓月滿荒城漁火
前村暗疏鐘遠寺鳴篷窗鐙獨伴孤客不勝情

山齋雪夜

君恩未報愧無顏深谷容偷歲月閒墓道依依雲不散柴
門寂寂夜長關何來夜半如篴雪流盡天涯似髻山勸汝
始終休改色要留清白在人間

戰罷晚歸

歸詠夕陽天磯邊泊戰船雲開千嶂月風斂一江煙列陣
朝擒賊談兵夜扣舷誓將身許國何止著鞭先

楊昌濬字石泉湘鄉人官至陝甘總督加太子少保銜

詩話石泉以諸生從戎游陟開府撫浙以讞獄未當
罷再起漕督佐左文襄治軍閩海旋督閩浙移陝甘

以未能先事弭亂復罷所去民思卒後建祠
以祀詩不多作錄和許雪門詩以見一斑

龍游大營重九和許雪門

頻年馬上作重陽幕府秋風老戰場白水初迴漢家厄青
山仍對楚人狂隔溪紅樹殷千嶂故國黃花阻十霜卻喜
生辰逢令節題糕聊減簿書忙

魏光燾字午莊邵陽人諸生官至兩江總督謚威肅

移官新疆和陸漁笙學使送別韻

嘉峪山頭古關上六年兩度記同游天然萬里中西界獨
立三邊縹緲樓莽莽河山春入畫悠悠秦漢歲如流重來
駐馬登高望一帶長城繫遠愁

劉蓉字孟容號霞仙湘鄉人諸生官至陝西巡撫有養

晦堂集

詩話孟容爲文縱橫跌宕無
不盡之意詩筆亦做兀自喜

贈羅仲嶽

木雞修道無人問裘馬論交幾輩賢
賤子胸中足邱壑與君分內得林泉
同堂論道窺眞宰埋首窮經各少年
努力名山接薪火豫章家學要人傳

贈李次青司馬用吳子序編修韻

文壇縱筆子能豪又擁貔貅護節旄
倚馬萬言看滾滾征鞍千里歎勞勞
謀探虎穴心偏壯身託龍門價便高
軍律尙師程不識休憑家法試戎韜

當年臺榭總邱墟今古茫茫一慨予
吳楚山河殘照外英賢姓字斷碑餘

時同游廬山聞先寺讀王陽明紀功碑

故鄉戎馬無消息大

壑雲龍待展舒贏得鬚眉畫麟閣書生擇術未全疏

劉銘傳字省三合肥人官至臺灣巡撫一等男爵太子
少保兵部尙書銜贈太子太保諡壯肅有大潛山房
詩鈔

久雨中秋晚晴

不期久雨晚來晴掃盡煙雲見太清秋色莫如今夜好月
光總是故鄉明一鐙詩酒增懷感幾日蕭疏洗甲兵舉目
山河無掩蔽皖南風景客中情

聞曲

琵琶音最好解說別離難多少傷情事曲中和淚彈

三十初度

年當半甲子壯志漸消磨忙裏身長健閒時病轉多登壇
無偉略對酒且高歌歲月來殊速人生奈老何

郊行

郊行二三里四望皆村莊秋收禾黍盡露冷林葉黃馬前一老叟獨在田間忙舉頭見行騎走避殊倉皇我行少僕從我佩無刀槍何以農父避呼前問其詳農父荷鋤語戰慄立道旁今夏賊去後大兵過此鄉賊至俱先備兵來未及防村內擄衣物村外牽牛羊人多不敢阻勢凶如虎狼老妻受驚死一子復斫傷骨斷不能起至今猶在牀暮年寡生計空室無斗糧所幸此身健勉力事農桑近凡見兵馬畏怯故走藏我聞殊太息攬轡思徬徨問彼統兵者曾否有肝腸滅賊自爲賊何顏答上蒼

送子美歸湖南

南雁孤飛入楚天北風吹送洞庭船相離相隔三千里同

死同生六七年回首戰場都是淚知心朋輩幾人全客中
言別難爲別揮手依依各黯然

張曜字朗齋錢塘人由知縣官至山東巡撫一等輕車
都尉兼雲騎尉世職加尙書銜謚勤果

詩話勤果早歲從戎由牧令累遷布政言官劾其不
識一丁字遂改總兵晚又以提督遷巡撫中歲折節
讀書淹通文翰昔在汴中嘗見自書七絕僅記其末
句云馬頭紅葉是何山語有風致殊不減漁洋真州
之作也

伊吾廬軍次

酒闌乘興獨登臺萬幕無聲畫角哀塞上羈留頻歲月不
堪猶見雁歸來

烽火邊城羽檄催旌旗十萬下龍堆年來無復封侯志一
夜湖山夢幾回

張聯桂字丹叔江都人官至廣西巡撫有延秋吟館詩

鈔

詩話丹叔起家太常寺博士截取廣西同知迭官牧令卓然稱循吏與鹿文端濟甯徐中丞齊名迭膺薦刻游領疆符光緒中先後巡撫廣西開府舊治當時察吏材重邊寄猶可見也

登勝棋樓

蟻聚蜂屯十二秋誰知重上勝棋樓已隨浮世滄桑換惟見長江日夜流一局楸枰空得失六朝煙景足句留英雄不及盧家婦依舊湖名喚莫愁

過虎牙灘

連山如門忽對峙一灘前橫石齒齒聲振林木驚春雷勢雜風雨奔江水洪濤吸吐吞孤舟虎牙森鋸毋乃似巉巖穿鑿鐵練垂篙師攢挽爭上駛東風比虎更顛狂布帆高

張疾於矢我啟篷窗窺峭壁摩天蒼翠尺有咫回頭左顧
仙人橋十二峯背環江涘乘風破浪須臾間張牙舞爪胡
爲爾苛政之猛殊未聞危灘之險已如此嗟爾西行入蜀
船黃牛白狗從茲始

晚眺

極目羣峯列畫圖落花風裏立平蕪鴨頭春水迷高下鴉
背斜陽條有無鄉思已隨雲影遠客情猶共月輪孤萬家
燈火關憂樂興盡歸來馬識途

吳坤修字子厚號竹莊新建人監生厯官安徽布政使
署巡撫贈內閣學士銜有三恥齋初稿

依韻酬高大伯敦兼簡許六仙屏

百戰慘何極藐躬當劫餘蒼黃事戎馬寂寞置琴書淚爲

羣黎灑家無儋石儲自知狂足晒舉世可容予

風義真高古逢君笑口開俗塵隨地是清氣撲人來白社
同攜酒黃金更築臺斯文仗維繫珍重出羣才

吾愛許夫子傳家守一經虛心師綠竹健翮振蒼冥車笠
盟如水干戈鬢欲星故鄉尙烽火何忍向南溟

再過馬當

南州久矣無高閣江上詩人今又還借一帆風無用處掀
髯空對馬當山

答王戎部孝鳳見寄

別去惟餘兩鬢皤離懷可奈故人何不堪萬里飄零甚況
值中年感慨多夜雨幾時同把酒朔風今日尙橫戈千秋
獨羨鴟夷子一舸偏能訪芣蘿

長善字樂初滿洲旗人官至廣州將軍有芝隱室詩存
巡邊

一年一度按巡邊
薊北漁陽九月天
疊疊亂雲迷戰壘
荒古道入溪煙
貌貅列戍資專閫
臺障經營仰昔賢
好趁高秋勤肄武
關河快著祖生鞭

大漠窮秋草正肥
健兒隊隊馬如飛
千旌耀日爭前導
羽扇臨風效一揮
極塞黃塵消客鬢
滿山紅葉撲征衣
建昌東望挑林口
落照長河且駐騑

去年枹鼓報倉黃
驛騎喧騰羽檄忙
稍喜從天下飛將
更聞清野到窮鄉
數聲曉角高峯月
萬帳平沙午夜霜
自古籌邊須善策
令嚴刁斗重周防

柳營迤邐過三屯
見說登壇上將尊
絕代勳名埋斷碣
多

時峯火黯荒村軍門已獻遼河捷野戍猶驚旅夢魂三十
一關東去遠掌中形勝有誰論

短衣匹馬憶東征早歲曾經古北平此日揚揚持使節重
來屑屑笑儒生車鈴替戾盧龍塞煙水空濛孤竹城且喜
風塵洽親故金樽銀燭共相迎

草竊狐鳴剽市闔團民殺賊詔頻頒朝歌設策求才少魏
國憂時刺勇艱豈有萑苻終梗化儘聞刀筆擅容姦蒼茫
不盡關山感又逐燕鴻自往還

魁玉字時若滿洲旗人荊州駐防由廕生官至成都將
軍諡果肅有翠筠館詩存

雨止

積雨檐前歇風情愜素襟樓頭疏柳重檻外溼雲深翠色

擁邱壑泉聲通竹林今宵知有月坐待旦橫琴

丹次高郵

纔入秦郵浦征途去正悠人家隨岸轉淮水抱城流古塔
淩煙聳輕帆帶雨收鄉關雲樹杳目極使人愁

李桓字叔虎號黼堂湘陰人歷官江西布政使署巡撫
有寶韋齋類稿

詩話黼堂輯名人碑誌及國史本傳凡四百數十卷
一朝文獻搜採詳備或以史傳多於碑誌議之殊未
知國史繁重後來修輯不能不予刊刪其
未盡收者轉賴此書以存厥功何可泯也

快雨得李冰叔大令復書補示客秋贈行舊句次韻

卻寄

西園飛蓋渺難扳失喜魚書快往還慰我停雲思靄靄宜
人涼雨況潛潛三秋別緒縈潭水萬里詩情到海山爲報

煩憂都解脫一心空洞一身閒

送王王秋孝廉

閩運

入蜀

言指齊東路幡然入蜀行招邀皆舊好忼慨見平生古道誰堪託奇才不可名慎旃天下險幕府正論兵

小聚忽爲別游蹤何日還顏唐吾欲老氣誼晚彌堅指數真知己心儀屬大賢相期各努力曠世幾人傳

唐樹森字穀九號藝農善化人諸生歷官貴州按察使有澹吾室詩鈔

答何青和詠贈鱸魚

鱸羹風味賴翁知況值加餐待客時料得濠梁多逸趣半江紅葉換新詩

金安清字眉生嘉善人歷官湖北督糧道有偶園詩鈔

詩話眉生熟古今掌故自負才略海疆多事士大夫
往往主戰眉生獨不謂然刺取開國時事爲能一編
大旨謂明不肯言和兵連於東寇興於西遂不可收
拾蓋是時中原寇氛方熾意謂非和戎不能靖亂惟
愧有陳古例今之意當日
能見及此者殊不多得也

無題

天際輕陰懶放晴隔江笳吹動嚴城鄉心對酒愁難醉倦
眼看書老尙明客裏交游同骨肉夢中歡笑又昇平吳興
可記山居日一樣前溪折竹聲

寄嚴緇生昆季

峩峩巨艦駕空行萬壑千巖絡繹迎赤壁自關天下險黃
樓不負古來名遭時將吏功終就失路英雄世尙爭搔首
臨風漫惆悵南華鵬鷖等浮生

崇祐字輔心漢軍旗人由筆帖式歷官內務府郎中有

養志書屋詩存

泛舟遇雨

滿天風雨促舟回萬頃波濤雪浪堆半幅蒲帆兩枝槳詩人已自畫中來

夜臨湖上

涼宵一雨快新晴洗出江容萬里清天際帆檣秋自遠水邊樓閣月初明深溪風閃漁燈影野寺雲流佛磬聲俯仰無言人寂寂小舟閒在藕塘橫

斌椿字友松滿洲旗人官郎中有海國勝游草天外歸

帆草

許話友松奉使海西周歷諸邦破浪乘風行九萬餘里海國勝游形諸歌詠天外歸帆則東還時所作也過之罟島至煙台觀海樓登眺

山勢鬱崔嵬之罍入海來
鯨人貨珠貝蜃氣幻樓臺
島峙千屏列波平一鏡開
登高思琢句恨乏謫仙才

寄楊簡侯表弟

五年林下縱情談策馬西陲
我未堪今日定教君豔羨杏
花時節在江南

宗韶字子美滿洲旗人官兵部員外郎有四松草堂詩集

詩話子美與寶竹坡友善日下聯吟幾無曠日才名亦相伯仲工篆刻嗜酒傲物外肆而中狷屢忤長官
浮沈郎署以歿詩有奇氣如燕趙之士慷慨悲歌

早行

曙色來天外征衫怯曉風
馬行殘月下人在亂山中
石側蠶叢險煙開鳥道通
思鄉心更切前路尙飄蓬

懷李驍騎湘伊犁

故人天末去秋至未言歸不見錦箋到又看黃葉飛寒風
侵板屋明月滿征衣爲問從戎客何時始合圍

病中作

孤負黃花九月天病多漸與酒無緣妻貧猶問饗殮米僕
猾偏侵藥餌錢愁極妄思千日醉夜長靜對一鐙眠登臨
妒殺西山客碧嶂丹楓錦樣鮮竹坡白石
時游西山

廢宅行

瞻雲坊北大市南其間道路我所諳路傍廢宅愴心目試
問故老猶能談老人今年八十餘自言猶記創造初達官
歸來富囊囊鋤茅平地營新居移山種樹窮人力千夫晝
夜無休息沈檀爲戶枅作梁金碧樓臺華麗極重樓十楹

藏美人美人分占名園春笙歌盡酣亂細語羅綺夜舞生
香塵春來秋去光陰速過眼豪華如轉轂歌聲未已哭聲
哀隙地猶餘未完屋比來居者復三遷草滿平池卧白蓮
舊日夕陽穿繡戶經年積雨塌花塼貧者難居富者棄修
葺不成拆毀易美人不見盡樓平興衰見慣渾閒事桑田
滄海有變更世間萬事浮雲輕達官墓道荒草滿不復宰
樹遮天青君不見昨日牛車載大木又向誰家築華屋

梓潼道上

山色依天盡開眸意豁然風高雲薄命道古樹延年冬水
碧無底夕陽紅可憐回頭謝奇險一爲駐吟鞭

李江字觀瀾荊州人官兵部主事有龍泉園詩草

詩話觀瀾著有龍泉園語鄉塾正誤諸書雖有明人語錄習氣然多見到語詩雅潔可誦

明倫彙編 家範典 卷一百五十一
九日過龍泉寺

百歲幾今日循溪來上方水流山影活風過葉聲涼晚果
經霜赤秋瓜卧地黃道人知愛菊籬畔未全荒

徐志源字伯英武進人官國子監監丞有吟香草堂遺
詩

聞雁

已是蕭蕭落葉聲更聞孤雁客心驚關山到處多嬌嫩冷
月淒風況獨征

溷陽早發

雞聲唳不住催客上征車瘦馬踏殘月荒城起戍笳稀疏
星數點隱約路三叉地白天將曉寒風散早鴉

王慶勳字叔彝一字菽畦上海人浙江候補道有詒安

堂集

詩話叔彝承家學銳志文藝兼嗜韻言所作詩詞皆
森秀脾睨皮陸而五律尤所長與江陵叔同時毀叔
學山谷叔彝則學劍南張叔先歿薛湖生詩所謂旗
鼓誰甘在下風登壇牛耳各爭雄惜翁絕調何人續
固屬而今盡放翁者是也

夜泊

遠樹圍煙密孤帆帶露收江潮三港入漁火一星浮鄉夢
圓新月風聲逼晚秋清笳何處起哀挾暮雲流

許墅關夜雨

篷背瀟瀟雨更深灑未停溼雲圍岸黑殘夢逼燈青夜永
沈街柝風尖颭塔鈴鄰舟歌水調倚枕不堪聽

同棣庵泉孫游豫園

石氣連湖氣斜陽併入秋潮聲爭港出雲影抱城流客訪

花三徑人薰酒一樓溪山真不俗最好是清游

紅橋舟中卽景

芳樹叢叢合春光簇眼前湖爭橋路狹船護柳陰圓雲劃
天邊雨村攔草際煙篷窗無箇事兄弟對牀眠

翫子橋舟夜

林黑疑無路扁舟觸浪回淚多憐短燭酒劣畏深杯新月
排雲出殘鐘渡水來今宵詩夢健飛過釣魚臺

同東野夜話

春來最易觸愁根往事從頭仔細論劫外鶯花傷杜牧眼
中人物笑桓溫江湖難許尋詩夢風雨猶堪數酒痕隨意
杯盤知未俗爲邀明月不關門

秋夕舟中書懷

肯負江邊月
篷窗滅燭看風篩
蟲語細雲裏
雁聲寒吮筆
詩初就
傾杯酒已殘
今宵歸夢阻
都被亂峯攔

文漢光初名聚奎字鍾甫桐城人咸豐元年舉孝廉方正官光祿寺署正有文徵君遺詩

癸丑除夕時寄居雙忠庵

蕭條破寺寄寒氈
收拾閒堂肅祭筵
尙著黑貂存漢臘
愁聽白鶴語堯年
拈花偶契佛三昧
縛草拚裝鬼一船
剩有遺書藏複壁
來朝開帙理新篇

懷存莊

秋風動淮泗
萬葉已紛飛
昨夜聞征雁
寒霜照鐵衣
兵戈官道梗
患難故交稀
共有思親淚
何當並轡歸

姚慶恩字春蘧江甯人候選道贈光祿寺卿有紅藕花

館小忽雷室西征饒唱等集

詩話春遽隨張勤果西征回疆其出塞吟有云書生
擁千騎來飲疏勒濤豪情可想余四十年前自汴赴
試宿逆旅見其題壁次邢臺詩云長虹貫日荆軻水
滿馬悲風豫讓橋重覽及之真有磨盾橫槊慷慨悲
歌之概配張瑞清爲
勤果從妹亦能詩

許州題壁

敝車破笠搏風沙襄許歷歷情如麻樹雲四面綠壓地黃
鶯一聲春無涯忽見人家在坡底閒向青山傲朱邸俗塵
常垢奔波人那得洒然山雨洗

抵丹徒

何人重此闢蒿萊北固南徐想霸才萬頃江光天外落六
朝山色枕邊來波恬入表魚龍靜雲滿阡岡草木哀客裏
馬周誰更識只同烏帽溷塵埃

次邢臺

一望旌旗雜戍譙
寒沙莽莽路迢迢
長虹貫日荆軻滿
馬悲風豫讓橋
臺上黃金能買士
樽前紅粉可憐宵
感今撫昔蒼涼甚
惟有詩情未寂寥

新柳

千章猶滯綠相招
前度秋風客意蕭
吹笛橋邊將進酒
凝妝樓上可憐宵
白門詞曲黃金縷
紅板煙花碧玉條
十五纖腰新宛轉
不逢京兆也魂銷

杜村早發磁州

邯鄲何事夢紛紛
醒眼真空翼北羣
楊柳綠沈臨水霧
蘼蕪青擁出山雲
一枝殷浩鐵如意
十幅羊欣白練裙
不愛美人偏愛酒
陶潛還遜信陵君

沔陽州

景唐傑閣漢州舟佳氣蔥蘢據上游一葉蒲帆三尺水東
風吹過沔陽州

贈丁翹山

仰止丁南羽窮邊始識君清才蔥嶺雪歸夢岳州雲不俗
官難達多愁酒易醺疏留辭主帥春水綠沔沔

爲毛煦初冢宰題畢秋帆宮保遺照

麟閣鬚眉迴不侔丹青遲我識君侯人皆白髮歸田老士
已黃金瀉水酬千里觚棱湘楚節十年風月瀟陵秋買絲
欲向靈巖繡翠嶂藏書字字愁

與張朗帥同作

孤鴻唳月不堪聞蔥嶺榆關障宿氛漏網尙稽銅馬賊射

潮遙憶水犀軍才如白傅猶淪落手縛烏孫告大勦煙水
五湖原有約讓人憑弔望諸君

文星瑞字樹臣萍鄉人官廉州知府有嘯劍山房詩草
率舟師出虎門捕盜

此地咸稱百谷王虎門東下接重洋地窮炎徼千峯赭天
混諸蠻一氣蒼夜靜魚龍驚鼓角風高鳧雁送帆檣微軀
敢惜垂堂戒要翦萑苻靖一方

喜眷屬至自廣州兼懷詠軒弟高州

纔別已三月今來又一方風霜驚歲晚弱小慮途長未見
情偏切相逢話轉忘翻思前夕夢江路月茫茫

婢僕登堂喜兒童繞屋誨待溫家釀酒留賞歲寒花得失
無窮事羈棲到處家獨憐姜被冷咫尺似天涯

珠江春泛

冶游風景似江南佳節欣逢三月三千隊紅妝萬枝槩桃
花春水白鷺潭

自藤縣至容縣道中書所見

峯巒塞虛空去天僅盈掌江流百千折勢束不得放兩崖
蔽深叢煙雲色莽蒼日光忽相射空綠互迴盪輕舸入其
中狹隘若甕盎巖隙懸修綆一髮青梯上十里九回卻顛
倒作非想稍稍露汀洲豁然境開朗蓬窗澹無事愛此秋
氣爽回睇所來處轉覺神恂恍縛茅三兩屋隔樹午春響
忘機沙上禽無魚獨來往

到廉州始聞秋風用劉隨州韻

海角萍蹤千里至天涯霜信一時回連山夜火金蛇走動

地秋聲鐵騎來羌笛吹殘楊柳變寒碁催報菊花開呼鷹
躍馬平生意落日蒼茫上古臺

徐孺子亭

東漢黨人盛脩然能獨醒青天何皎皎一鶴在空冥高士
已長往南州餘此亭白蘋滿湖上我欲薦芳馨

耿蒼齡字思泉江蘇華亭人歷官德安知府

癸亥仲秋游狼山飯於白衣庵

觀海難爲水登山半是仙未從赤松隱來證白衣禪淨土
疑無地層樓別有天消愁一杯酒歸路夕陽邊

和白香亭留別原韻

春水綠波春日遲頻年相隔更相思清泉明月王維畫渭
樹江雲杜甫詩父老猶傳懸曉鏡故人空說滌吟卮遷喬

此去長如願慚愧吳儂兩鬢絲

羅萱字伯宜湘潭人諸生江西候補知府殉難贈太常

寺卿子騎都尉世職有蓼花齋詩存

詩話伯宜以忠義成名原不必以詩重是時王王秋
盛倡復古之論不取唐以後詩湖湘人士多從之者
伯宜題其湘綺樓詩有云愚蒙別有懷竊附起聖商
古人詩以教懲勸同痺彰條流逮紛繁日益競所長
謂獲昔未搜頗疑今者彊巨浸及潢潦橫流難究量
要諸勿詭正派別庸何傷性術苟勿淑珠玉皆批擲
春秋別氣候嘉卉均秀芳星月亦輝華豈獨皎日光
千秋各有託焉用否與臧其持論足爲是丹非素者
砭鍼

晚步

涼風起孤館池水動微波野徑夕陽沒遠山秋色多歸禽
尋故木積暝入煙蘿芒屨歸來晚燈前生浩歌

彭澤懷靖節先生

扁舟一葉泛江天坐憶先生曠代賢乞食不妨輕五斗高
情何止邈千年自搔短鬢秋風裏誰種幽花細雨邊歸就
東籬作重九南山相對亦悠然

孫文川字激之上元人諸生累保知府有讀雪齋遺詩

詩話散之出入兵間詩多變徵之音歌行健拔表彰
義烈聲情激越與同時金亞匏詩格相伯仲其趙忠
毅鐵如意歌權奇
鬱律尤爲傑作

張烈士行

粵寇犯金陵張炳垣茂才繼庚陷賊中上
書大帥向公請爲內應事洩乃引賊黨中
之最點最悍者數十名誣以同謀賊盡殺
之炳垣亦被害時咸豐四年三月六日也

不破一甲折一矢數十賊魁同日死賊自殺賊誰所使死
不忘君一烈士烈士少孤氣崢嶸弱冠膠庠已有聲往年
長沙賊攻急曾參籌筆攬危城功成身退名不居先人金
陵有敝廬冒雪衝風返故里轉身賊來如搗虛城陷人思

脫虎口烈士搖頭獨否否公等行矣了一身我愚欲展回
天手詭作書吏冀賊容密封細字達軍中元戎讀罷手加
額謂此上策吾當從長髮毳毼小袖衣出城入城賊不知
軍門立談定大計約期內應迎王師大事垂成謀竟洩可
憐壯士空相結毒刑備受命如絲且竭吾忠用吾舌縱不
能斫妖鳥頭盍翦羽翼無使留縱不能制猛虎命盍斷爪
牙無使橫瞋目大呼認不諱同謀尙有老兄弟賊以粵西
同起者爲
指引某某皆其尤賊怒切齒驚奪氣果然同類自相
戕烈士亦死神揚揚傳聞慷慨捐軀處雲慘風淒小教場
在江甯城內覆舟山下賊殺人恒在此處吁嗟乎金陵節烈俱捐生烈士鐵中
之錚錚一息僅存尙報國臨危不亂尤難能他日褒忠卹
典大書烈士名江甯府學廩生張繼庚

鐵贏歌

驪龍晝見鍾山坳似乘雷雨來東郊
渾身黝漆不見毫昂頭修尾四足高
有客告予此鐵贏元戎乘之功最多
去年九江被賊逼此贏一躍飛渡河
而今元戎不出戰贏亦精神漸凋喪
譬如英雄不見用往往臨風動惆悵
我勸鐵贏心勿悲汝誠倜儻空所向
元戎官貴統全師不在將兵在將將
一朝下令麾虎貔金陵攻克無逾期
捷書飛騎馳京師舍汝不用吁其誰
汝且伏櫪需良時

讀謝介鶴明府漢西生稟三十二韻

定交已八載道義互剗切金陵昔從軍
圖賊力共竭奉檄謀內應奇士廣連結
君時闖鬼門我亦蹈鯨穴微服走間道
窟室蒞敵血欲奪萬夫關先憑三寸舌
果然忠義士聞

言眦自裂齊憤越甲鳴各抱魯連節定期迎王師誓將梟

獍滅吾黨有田生

謂田鼎

臨時有勇決夜黑潛登城殺賊

持勁鐵其奈事不成自此謀亦泄同志百餘人就義膝不

屈錚錚張茂才

謂張炳垣

瀕死計用誦誣賊爲同謀所指皆雄

傑坐使駢首戮爪牙自翦截當賊閉門索四面羅網列田

生挈數客神龍去飄瞥未幾君亦逸虎口不遭齧出險每

驚喜感舊增嗚咽長揖辭軍門與我遂相別何期申江游

聚首復歡悅君已登仕版濟時異我拙今年督舟師防秋

勵士卒寇退敘勞勩擢職拜丹闕示我舊詩篇往事如重

閱回憶石城門君逃甚孤子感此命名意令我森毛髮詩

中危險境一一我能說小雅多哀音忠愛心如揭卻念賊

勢張時事更杌隉滄海悲橫流揜卷倍愁絕

送亞匏之粵東

僅從虎口剩餘生又被飢驅萬里行故國河山方百戰殘
年風雪竟孤征輕肥豈是無同學雞黍何時踐耦耕強欲
留君留不得一帆天際若爲情

嗟君行矣慎風波住尙銷魂奈別何時事休談宜痛飲知
音更少莫悲歌天將過海傳蘇軾地有高臺弔尉佗聞道
嶺南頻報捷戰塵不似故鄉多

嗟哉華爾行

聞八月初一日聞
華爾戰死慈溪

亞墨利加洲有愛育士迭國去中華三萬餘里其國之人
皆泰西諸邦所遷徙背英吉利苛政自立日富以強有華
盛頓創爲傳賢之法法最良行之數傳民和世康其國左
右皆大洋旁峙落機大山萬里長我皇咸豐十年其國之

人華爾慕化而至值亂賊被狴殺人肝腦塗地華爾曰嘻
我夷兵官也今見官軍乃兒戲彼亂賊人人得誅之吾雖
外臣願爲朝廷敵愾嗟哉華爾憤不顧身大吏言於朝授
以兵五百人華爾教以泰西陣法坐作進退無逾巡飛破
中敵無一生遂克松江守其城克甯波留其軍又克周浦
金山無不以一當百海上處處聞威聲 皇帝嘉之拜官
副總兵華爾感激願屬籍受廬世爲中國民彼金日磾契
苾何力往矣今有華爾乃能繼漢唐蕃將成功名嗟哉華
爾今年八月甯波告急華爾方守松江以兵授其佐自往
奮擊時賊眾數萬在慈溪邑華爾率健兒衝鋒鏑不知賊
中乃有奸夷助死力一槍擊中華爾額遂以是日死於敵
嗟哉華爾誰將與儔時之人將軍不武士卒不同仇食君

之祿遭時之難而杳杳無憂彼外國人食毛踐土歲餘耳
乃能爲國授命我國將士聞之胡不羞嗟哉華爾誰堪與
傳

趙忠毅鐵如意歌

黑雲一朵白虹氣凜凜寒風鬼愁避銘文廿六署姓字乃
是高邑趙公鐵如意公之烈性百鍊剛指揮亦見鐵石腸
公之定力千鈞強談笑亦飛鐵面霜我觀公物識公志弗
若是折秉道義珊瑚碎亦無賴何似公掌選司志在屏四
害唾壺缺安足雄何似公坐都堂志在除四凶將使汝爲
朱雲上方劍斬佞臣頭進直諫將使汝爲司農袖中笏擊
逆豎首舒憤鬱奈何鉤黨紛紜君聽讒元凶爭指羣耽耽
不如意事真八九爲同心人僅二三

公與鄒元標顧
憲成爲三君 鍛鍊

深文竟被逐西廠權弄東林覆太阿倒持事日非逆案遲
成公已沒如意兮如意我不知擊閭之疏草罷時可曾攜
汝起舞揚雙眉又不知雁門關外荷戈日可曾持汝悲歌
望京邑問汝汝無言但見土花慘澹面冷無顏色似有無
限煩冤訴不得嗚呼茹花委鬼魁柄干聚六州鐵鑄錯難
飲刃終成白馬驛賜環遑望金雞竿朝局既壞社亦屋厯
劫烏金猶在握當時公盼東方明祇今人效西臺哭君不
見見泉兒奉聖母附九千歲同掣肘神鼎如在難鑄形話
柄雖傳恥汚口惟公奇觚矢赤衷無愧錚錚在鐵中遺物
猶爲人愛惜不惟瑰寶惟孤忠昔年得公書什襲珍手澤
予藏公在戊所寄友人書真蹟今又得如意崢嶸森毅魄我欲快磨鐵硯
椎搗墨本作畫圖更將豪揮鐵筆大書銘詞張座側見者

驚心讀橘舌何物猶矜炙手熱請看區區一片鐵

張恩準字繩生號劍堂善化人諸生候選知府贈太僕寺卿銜有劍堂詩集

送李輔堂入都

非有幽棲志干戈莽自愁攜家思樂土學稼服先疇黃卷孤鐙夕青松古屋秋風塵雖未解何敢竟淹留

遺憾留藤峽精誠動至尊感時材略少錄舊詔書溫今日猶兵甲如君本將門儻承前席問何以副天恩

晚歸獨酌有懷熊鏡蓉

世昌

歸路不覺晚鴉嘯煙雨昏疏鐙隱城堞落葉聚柴門寇盜猶未已文章何足論懷人竟寒夜獨酌倒空樽

五年前讀許仙屏詩過吳城魏柳南招飲相晤席間

喜而有贈

我畏風波去較遲君因避地欲何之湖天乍見成高會姓
字驚呼似故知鐙火送歸微醉後鶯花留住晚春時維舟
更飲吳城酒漫與騷壇共賦詩

鄧繹字保之武岡人諸生候選知府有藻川堂詩集

詩話保之嘗從曾文正游參佐戎幕書檄之暇不廢著述陳右銘中丞官彰衛懷道時立致用精舍講經史實學聘保之主其事門下稱得士詩蒼莽中時有名儒語

衡陽道中

碧天無際映瀟瀟水驛縈紆長暮潮帆影向人飛欲近歌
聲隨牧去還遙清江竹翠疑相憶衡嶽雲開豈見招柔翰
尙堪揮灑在末應身世託漁樵

洛城

大隄河水向東流楊柳芙蓉映畫樓幾度洛城回首望最
憐山色似揚州

登河北城樓

巨浸排天府金城倚大隄太行斜入趙河水折吞齊雲送
蛟龍北山驅虎豹西崧高維嶽秀留得鎮華夷

胡恩燮字煦齋江甯人候選知府有愚園偶憶詩草

秋夜

蟋蟀嘯不止虛齋秋夜長隔簾見河漢雲影淡微茫竹樹
弄疏響羅衣生嫩涼流螢解人意來照讀書牀

于卿保字邗仙漢軍旗人官河南下南河同知有是吾

齋詩集

和許赤城立秋感懷

主賓風雅似陳徐共向蘇門樂隱居閒徑苔痕新雨後小
欄桐影早秋初讀書志欲同君實獻賦心還鄙子虛更有
述懷新句好贈予鄭重比瓊琚

徐同善字公可漢軍旗人廣州駐防四川試用通判有
小南海詩集

病中口占

簾底秋花著蕊遲簾前香篆裊殘絲偶然疏雨隨風過一
種新涼與病宜於世無求高枕足還鄉有夢夜鐙知荒山
足繭成何事耗盡雄心轉自疑

荔枝灣

歷歷桐廬江上景問名卻是荔枝灣唐園載酒知何日客
思鄉愁雨不閒

劉藻初名蘅字湘耜貴筑人諸生四川候補通判有蜀游草

甲子除夕江北書懷

七載蜀江客恩恩歲又殘東風吹鬢老短燭照杯寒文字招尤易生涯聽命難稻粱嗟計拙枉累使君肝

果山

綠陰深鎖梵王宮清磬一聲天地空落葉漫山行不得始知秋在亂山中

王濟字蓮舟湘潭人諸生官廣東通判有扶荔生覆瓿集

金口渡江

兩峯遙對峙十里大江橫鎖鑰分南北河山幾戰爭晴雲

漢川樹初日武昌城爲訪桓公柳攀條別緒縈

楊村至天津道中

居然景物似江東帽影鞭絲立馬中兩岸蒹葭鴉鵲雨萬
株楊柳鯉魚風山樓俯瞰平沙白野寺敲斜落照紅到此
漫爲鱸膾計停車沽酒莫慙慙

張應庚字孟仙號夢漁永嘉人諸生歷官嘉應知州有
寄鷗詩藁

梅州寄黃鶴樓

經旬塵市作句留偷得閒身汗漫游涼意漸添桐葉雨山
光濃壓木蘭舟豬肝閔貢原多累龍性嵇康未易酬料得
鄉懷千里共連朝風信報新秋

晚至忠信墟

山晚月初上霜林起暮寒炊煙破歸鳥溪水落漁灘墟散
人聲寂農閒歲事闌夕陽無限好不厭幾回看

陳嗣良字頌萱秀水人諸生厯官德州知州有學稼草
堂詩草

明湖小集

湖上試徘徊清泉一鑑開溼雲含暮雨遠岫送春雷倦蝶
隨花墮飛鳶帶霧來酒闌游客散歸舫尙遲迴

湖上觀釣

日夕綠陰斜波明襯晚霞歌聲清荻浦人影雜蓮花茶社
橋邊市柴門水上家羨他湖畔侶垂釣作生涯

王彬字秩雲震澤人諸生厯官平遠知州有白雲草
避兵吳門經澱山湖卽事

曉發錢家橋午過澱山湖湖圍三百里疑望空模糊見天
不見地白浪千頃鋪陰風砭肌骨五月思棉襦仰視訝日
小平眺疑山孤水闊四無阻風來八面俱舟人不解事强
挂十幅蒲橫行蟹爬沙直上龜曳塗舟則簸箕若爾欲殲
砮吾頭眩眼迸金身起足蹈虛風浪小爭競性命抵須臾
兵燹警昨日波濤阻前途出險復入險毋乃命矣夫無奈
聊作達篷窗靜結趺頗聞僮僕歡前路臨姑蘇出艙審所
見盈耳皆吳趨卻顧所來處殘霞橫巨區

天妃牖

清晨登牖望牖流如箭激未至目已眩少近舌頻咋下流
如鏡平上流如立壁以指遙度之相去豈咫尺跳珠濺沫
不暫停五里以內聞其聲以牖束水水愈怒狂呼大吼相

爭衡我身在牖意已驚一船早向牖口撐船腰牢繫百條
纜轆轤四面皆縱橫一聲爆火船頭鳴千夫著力牽長繩
欲上未上船直立船前船後傳呼急搖旗鳴鼓何鑿鑿宛
共蛟龍爭窟宅官趨吏走齊倥傯一船努力如昇空後船
銜尾復繼進安能預定吉與凶我船亦須從此入目眩心
搖神恍惚敢誇忠信涉風濤此中不少生人骨

邢世銘字子膺號柳汀興國人官知州有南湖草堂詩
存

送徐卉庵入都

獨攜琴劍向長安水驛星程去路寬篷底河聲流夜月馬
頭倚色擁春寒才名自合傳京洛典則由來重漢官我欲
臨風贈楊柳青袍染出與人看

懷兄子貞鹽城官舍

草堂如水夜將闌
曉雁聲中夢未安
憶得孤篷殘醉客
秋風卧聽海潮寒

汪榮棠字芾庭一字餘翁無錫人官海鹽知縣有曼陀羅華館詩藁

詩話芾庭少負雋才兼通武藝嘗從江忠烈公籌餉廬江賊眾圍攻帕首登陴晝夜靡懈屢參戎幕積功保知縣試吏越中尤多善政詩有奇氣抑塞磊落肖其生平

狂歌

雞鳴聲膠膠拔劍起獨舞
斫地歌慷慨肝膽鬱難吐
人壽祇百年何庸徒自苦
兩丸互西東顛倒由元父
晝行而夜伏塊與羣屍伍
我欲赴赤城散髮騎猛虎
咳唾昆侖巔化作洗兵雨

秋暮郊外

西風颯颯吹老晴夕陽欲下寒鴉鳴荒村煙暝蠟燭舞收
豎倒跨牛背行飛鳥隨雲瞥眼過卧石蹲虎攔腳橫隔林
忽送梵鐘響獨立蒼茫無限情

龍亢幕齋初成

小築茅齋芟綠蕪蒔花壘石足清娛當窗楊柳爲屏障繞
屋溪山卽畫圖舊設藥闌添鳴腳新栽湘竹隱蝦鬚幽閒
地僻無餘事一卷南華對茗鑪

酬遯翁

烈風蕩白日大野晶以蒼豺狼塞路隅旌旆都倉皇湖干
有一士冥若雲鴻翔大音聲自希短褐氣自昌揭來共尊
酒言簡心彌長贈我新詩篇險語驚雷硯久企鄭公里幸

登元伯堂數楹闕泉壑四壁堆琳瑯杯酒話乾坤簷花映
深觴君如泉在山我如馬脫繮靜躁雖各殊共此肝與腸
願爲豐城劍雙飛入混茫

黃仲番字東耘新會人官天津知縣有心字香館詩鈔
山塘曉泛

晴雪遙峯聳黛鬟橫橋冰泮碧流灣桃花春水魚苗茁柳
葉東風燕子閒野竹斜通村郭路雲蘿長戀故鄉山向平
人抱歸來願十笏茅堂待掩關

東昌光岳樓感懷

重來廿載客登樓身到浮雲最上頭一覽直窮千里目百
年能得幾回游眼中人物垂垂老檻外煙嵐色色秋齊魯
青蒼如指掌吟成笑傲倚滄洲

李希鄴字仙根江甯人監生官東湖知縣有梅花小隱廬詩集

吟詩樓

錦江柳色碧依依一片鄉愁黯夕暉燕去樓空花亂發鶯
嘯草長客思歸石頭戎馬窺江急峽口風濤挾夢飛不見
龍驤東渡日登臨贏得一沾衣

胡傳釗字麓樵善化人歷官新淦新昌知縣有鹿蕉山館詩鈔

寒食日

楊柳樓臺尙管絃幾回聽曲倍淒然最憐紫玉沈香閣曾
把黃金結綺筵芳草夕陽蝴蝶夢板橋微雨鷓鴣天明朝
又是清明節落日空山咽杜鵑

閒行

閒行村落遣無聊一水斜通白石橋
秋草綠平官渡口野
花黃過女牆腰
蟲聲絡繹人何在
客感蕭條馬不驕
歸趁
斜陽猶未晚已看烽火隔林燒

有感

正氣伊誰炳日星眼前憂樂繫生靈
尙無青草愁荒野儘
有閒花落訟庭
惡莠未能留弊政
治蒲原可示寬刑
晨鐘
暮鼓敲難悟一夢黃梁竟不醒

言南金字卓林昭文人諸生官安徽知縣有可亭詩藁
朱伯韓觀察過荊州以詩文見示

白傳歌傳新樂府望溪家數舊文宗
匡時經濟誰爲用獎
士風流世罕逢
十駕不辭期策駑
三年枉學悔屠龍
似聞

柏枧還山去京國何人載酒從

讀馮魯川廉訪微尚齋詩集書後

大雅人不作曠世還相求古人志風教落落殊難酬皇琴
說里耳與時俱遷流正變代相乘去古日以悠魯川馮公
詩溫厚清且逾諷勸意言外微顯賅春秋柏枧山木長高
風不可留緬懷金石契斯詣今誰儔

劉本傑字霞隱湘潭人候選知縣殉難有霞隱詩鈔

詩話霞隱初服賈後入石門山中讀書博覽強記嘗
與人詩云莫道草茅無壯志古來投筆總書生又云
漫言海底珊瑚少幾見人間鐵網來嗣從湘
軍克復安仁追寇深入被圍手刃數賊以死

舟過西湖

天涯地角客星孤身是高陽舊酒徒一葉扁舟雙畫槳載
將歸夢過西湖

蔣春霖字鹿潭江陰人官兩淮富安場大使有水雲樓

贍稟

詩話譚仲修論有清一代詞學以納蘭容若項蓮生及鹿潭三家爲真詞人之詞而鹿潭遭際兵間憂時感事天挺此才爲倚聲家老杜自謂於詩未能霸勝古人贍稟僅存數十篇蓋亦取法於杜而能得髓者

東臺雜詩

道路猶荒梗乾坤此寓居餘生依藥餌左計誤樵漁色動論兵會憂來講易初淒涼茂陵住有賦愧相如

海近秋先至城空客少過滄桑新涕淚雲物小槃阿樂土聊高枕王師未止戈雞聲催攬鏡雙鬢已微皤

漸懶折腰步猶能抱膝吟艱虞嘗傲骨齋米損文心野鶴恣孤翮飛鴉是好音西溪滿溪水重爲浣塵襟

九日登岳阜

空城風肅雁聲來故壘霜清曙色開
備敵尙餘全勝地經時原仗出羣才
游山軒蓋秋仍集橫海樓船去不回
待摘茱萸寄鄉國隔江雲樹正堪哀

冬柳

營門風勁冷悲笳臨水隄空盡白
沙淡日荒村猶繫馬凍雲小苑欲
棲鴉百端枯苑觀生事一樹婆娑
感歲華昔日青青今在否江南回首
已無家

雜詠

寒星搖白波旌旗動江水北風中
夜來鼓鼙聲未已前年議選徒戰
船集如蟻歲時耀兵仗逍遙競羅綺
矜言備捍禦盜賊賴簪珥無功非所
安不危差可喜甯辭從軍久縣官多
祿米

射工利殺人猛虎不擇肉鷹隼快一擊豈問覆巢酷衰俗
鮮務本舍田干薄祿蘭絲豈非任尸饗慮亦足巖巖山蓋
高湜湜涇以濁張弓多激弦去莠及嘉穀路窮黃金盡罪
輕不得贖榮華安足論曰歸恥邦族曠哉志士懷獨醒繼
高躅委心任去留知止信無辱

海陵地卑溼無山水色渾城西有高阜云駐鄂王軍鴻名
重千禩遂令培塿尊仰矚極雲漢俯視盡川原天風聚萬
籟時聞笳鼓喧東南久用武豺虎今尙存千里接斥鹵被
野禾黍繁饋餉恃倉積防禦非空論登臨望烽燧眷言思
故人

楊白元字聽秋長沙人貢生官永州教授有亦嘯山房
詩存

疊韻柬待石園主人

閒來歲月似壺中春到園林雜翠紅萬樹排檐朝過雨一
鐙搖影夜吟風眼前花柳添詩料腕底雲煙奪畫工曾有
徵車停戶外逃名老去註魚蟲

歐景辰字星北象山人官浦江教諭有楞岳草堂詩存
蘇小小墓

西泠橋下隻鷺飛西泠橋上雙燕歸當年油碧車何在惟
有閒花弄夕暉

吳山晚眺

雨後吳山已夕陽徐馱款段到禪房雲歸大壑諸峯出水
落寒江暮靄蒼雪梳句留容我懶風檣來往笑人忙及時
觴詠堪行樂灑脫胸懷學魯狂

張九思字聿修號竹軒善化人貢生官甯遠訓導有耕芝詩集

編羅洋詩目錄因題其後

南國有佳人幼迺好奇服明月綴古冠耿如媚幽獨清冷

沁雪香充潤肥雨福

雪香羅洋齋名雨福其所居山名也

咳唾落九天錦雲

新萬族歡吹寒谷溫慘澹杲日伏羣兒撼蚍蜉大音回敬
祝喧啾檣枋鷄刺戾長沙鵬古歡遂已馳此意予杼柚茫
茫向千載草阜興歌哭何當駒影還壽之嶽與瀆

古辭

鬱鬱空山蒼靄靄遠村樹濯濯明月輝汨汨寒波注松風
韻素琴菱塘飛白鷺中有太古人散髮振遙步俗書吾不
解長鏡吾不惡一飽乃棄餘一飲盡仙露世士無與言吐

納駢新故寒天變暄暝古老還童孺鼾卧十丈巖沈雲相
駐護有時獨嘯聲垠谷莽迴互

舟入茅夾子

暮色蒼然至明星落小山篙聲殘石齒人影入煙鬟泛梗
沙鷗似衝寒旅雁艱吾生慚羽化何計出塵寰

周葆濂字還之江甯人貢生官桃源訓導有且巢詩存

中秋日吾園訪桂東程文伯

紹昌

肝膽向誰說鬚眉比眾殊還鄉翻似客經世愧爲儒東去
濤聲壯南來雁影孤揚州今夜月還是二分無

贈章雅堂

大彬

少時意氣渺何許今日相看涕淚流亂後朋儕多末路愁
邊風雨有孤舟飄蓬異地龍蛇厄落木荒城鴻雁秋三十

六湖煙水闊商量無自著羊裘

寄羅心魚笏

回頭十事九咨嗟數米量鹽度歲華今日飢寒猶有地少
時朋好半無家浮沈玩世從人老剝啄敲門任客譁七尺
男兒千古志未應詩酒卽生涯

向文奎字研秋湖南桃源人諸生候選訓導有大谷山
人集

泊枉渚懷月樵上人

枉渚斜陽泊安禪憶隱巒野煙團樹暝漁火帶星寒古井
乾明寺孤峯善卷壇舊游纔咫尺儻許共盤桓

丹望雲麓峯

湘西雲麓寺蒼翠鬱嵯峨靈蹟懷終古騷情薄九歌鐘聲

穿樹遠帆影隔江多拜嶽何年石飛來自不磨

徐崇文字郁甫蘄水人貢生官訓導

詩話郁甫尊人戟門明經有讀吳祭
酒集七言古詩卽數梅村頗稱具體

舟中偶成

漢江西望水浮空到處垂楊繫釣篷兩岸山光雲影裏一
春花事雨聲中情波蕩漾拖新綠芳草迷離襯落紅此去
迢迢千里路扁舟借得滿帆風

徐光發字潤齋南匯人候選布政司理問殉難有梅花

山館詩鈔

吳山晚眺

木落遠峯瘦北風吹面涼鐘聲圓古寺帆影亂斜陽湖海
新愁集江山舊恨長是誰曾立馬令我感興亡

登金山

直上金鼇背憑欄試大觀山連吳地壯江接楚天寬下界
鐘聲杳中流塔影寒高僧能接引許我借蒲團

甘露寺晚眺

夕陽零亂處吟眺倚禪關吳楚青蒼際江天浩渺間花殘
三月寺人醉六朝山好句求難得低徊未肯還

陳蔚昌字子文號霞樵西平人候選布政司理問有亦
園詩存

聞劉八丈過訪戲書一紙迎之

爲君破例做柴荆滌罷茶罌又酒罌滿徑落花忙未掃郊
迎聊借楮先生

金居敬字簡庵大興人官永嘉縣丞有仙居西溪諸集

剡溪曉發

破曉衝寒放越舲鳴榔驚我醉初醒擁將布被縈詩思陡
啟篷窗列畫屏平野凍雲低遠樹亂山殘雪出孤亭應知
此去山城近無數炊煙到眼青

游平湖報本廢塔院

劫餘廢寺兩三椽佛像僧龕并渺然湖石似山幽徑立土
花如毯古碑眠空梁有燕營新壘壞塔無人落斷磚鼓勇
登臨最高頂振衣紅日白雲邊

月夜泊石牛

人靜黃昏後扁舟泊石牛亂蟲喧入夜孤月自明秋酒送
鄉心遠詩分客路憂姮娥流素影伴我住灘頭

朱寶善字櫻船泰州人官福建縣丞有紅粟山莊詩

浮山謁大禹廟

古揚州域窪如池百川趨海羣歸之厥包厥筐無所資四
野蜿蜿蛟與螭虞帝曰禹汝往治禹厯徐充開其基三江
旣入合名枝土惟塗泥載輶櫟手鎖巨妖無支祁庚辰效
命罔敢嬉從此南條咸平夷江淮一隅功尤奇有山出地
爭高崕喝之倒縮如伏龜不使平壤驚險巖劃開萬井餘
成畸迄今浮山邗水湄坦然片石居乎卑方洞有如帝臺
棋其下頑鐵少鑪錘豈是精衛銜來疲欲戾東海口忽遺
抑或浮磬隨漣漪夸娥戲向此間移不然無草無夫移萬
年地底胡久羈荒邈難溯疑傳疑憶我六年前來茲百尺
虹蜺繞華榱黼冕仰瞻妣氏姿雲華玉貌相扶持黃龍壁
上撐之而來耘翻舞羣鳥獬形天舞與負貳尸一一圖形

詎或差若有人兮鞭蒙魑爾時舉火捫殘碑想見手胼兼
足胝呵壁欲問口囁唳睹諸奇相笑脫頤倏爾飛光無停
曦重摩窆石草弗拾無人肯奠元酒厄造二梵福賢者嗤
何如以報黃屋慈得仗神威祛馮蠍鐵牛河畔工允釐安
瀾告慶無愆期何古則安今則危濬決誰將金簡披荒階
獵獵悲風吹歸來但作山經詩平成之績烏能追

杭州訪譚仲修獻學博賦贈

亂後重逢大是難莫將襟上淚痕看鶴歸華表湖山在雁
度空城雨雪殘兩姓弟兄連短榻十年師友憶長安那堪
相見俄相別孤櫂寒波閱歲闌

金東字韻初平陽人福建候補縣丞有行勝存草

詩話韻初少有大志留心經世之學入貲以縣丞至
閩過同安縣謁朱徵國祠嘗作詩云再拜先生座風

霜歲暮時千秋明正學百代有專祠私淑乘田意何
嫌簿尉卑大賢矜出處世俗那容知亦可謂自負不
凡矣

宿蘆市

萬峯環繞水潺湲墟里人歸喚渡喧野店偶難沽白墮客
程偏易向黃昏雨餘山色蒼連屋夜靜灘聲響到門旅枕
無聊鄉夢遠天涯又此宿孤村

福安溪行

短棹孤帆水急流數聲風笛碧溪頭無多行李蕭條甚兩
岸青山一葉舟

彭湘字心梅溧陽人官當塗縣大信司巡檢有適龔詩
集

活龍坪劉孝子歌

咸豐縣地古夜郎我朝四葉登版章活龍坪界西北鄉御
龍遺裔母早孀傭力受值供稻梁星出星入依母傍僉曰
孝哉宜吉昌一朝沴氣陰薄陽活龍地震龍騰驤乾戶坤
軸爭低昂雷雨迸入聲磴硠風黑電紫天昏黃孝子眩惑
神驚惶奪門負母行踉蹌目眯上下旁四方失勢一落千
丈強性命螻蟻爭毫芒那得堅撐如螳螂但覺捷轉猶蛄
蜩心膽墮地同一僵維時蛟鱷方披猖卅里地陷波汪洋
西鄰蜀壤南黔疆更無處著一堵牆俾育遺種支筦筐異
哉造化難測量一椽鰲擲高高岡壓檐樹尙當風颺母若
子無纖芥妨如酒醒乍夢覺剛兒雙手持阿母裝駭絕忽
脫此奇殃頻頻叩額向上蒼不識世已經滄桑獨知有母
身其康縣官勘災行偃偃炊煙斷絕心慘傷猝露人影榛

莽場見人反走將匿藏急前問訊審厥詳上之大吏敢或
遑旌表綽楔生輝光吁嗟庸行本尋常感通高厚膺福祥
入坎出坎險阻嘗鬼神默默相扶將有子如此誰頡頏徒
萬萬口拋龍荒不然赤子無辜皆馴良魚頭敢戢天肯戕
我作歌非能表彰粗紀時日存巾箱事在丙辰永弗忘
先皇六年月敦牂

沈金藻字石生號蘭卿平湖人諸生官嘉定巡檢有紫
茜山房詩鈔

登高

秋色西來雁路長千秋落木晚蒼蒼乾坤山勢盤元氣日
夜江流折大荒萬里風煙躔海右六師神武出炎方平蠻
努力諸公事早晚鐃歌下佛狼

秋夜吟

牽牛花放秋風寒梧桐葉落金井闌美人如花隔千里紅
粧歷亂無人理沈沈明月照梅梁香銷寶匣蠹更長夢魂
不識關山路妬煞銀河鵲橋渡鏡臺寂寞淚如絲玉釵敲
斷君未知龍城迢遞斷消息搖落芙蓉好顏色

晚晴簃詩匯卷一百五十八終